

INUIT ATAQATIGIIT INATSISARTUNI



27.05.2024

Inatsisartut Suleriaasianni § 37, imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

1. Kalaallit Nunaanni inoqarfiusuni tamani Inuit innarluutillit nalunaaqutaq sisamat kingorna tapersersorteqarsinnaatitaanerat immaqaluunniit bilinik ingerlanneqartarsinnaatitaanerat arlaatigut nalunaarummi ersarissaanissaq periarfissaanersoq periarfissaava?
2. Inuit innarluuteqartut arlaatigut ulluinnarni nalunaaqutaq sisamat kingorna sunngiffimmukartarniarnerannut, soqutigisaminnut, immaqaluunniit aneersinnaanerannut naalackersuisoqarfimmiik iliuseqartoqarnerluni?
3. Arlaannik naalackersuisut ilassutissaqarpat?

(Inatsisartunut Ilaasortaqaq Marita Jessen, Inuit Ataqatigiit)

Tungavilersuut:

Inuit innarluutillit tapersersorneqarnissaannut Inatsisartut inatsisaannit Namminersorlutik Oqartussat nalunaarutaanni ilaatigut allaqqapput,

"§ 42. Inummut innarluutilimmut, pingaarutilimmik timikkut, tarnikkut, silassorissutsikkut imaluunniit malugisaqarsinnaanikkut piginnaanikillisimasumut, nammineq angerlarsimaffimmini nammineersinnaanissamut, najugaqaqatigiiffimmi imaluunniit najugaqarfimmi illersugaasumi isumaginninnikkut perorsaasumit tapersersorneqarnissamik pisariaqartitsisumut, tapersersortitut ikiortimik kommunalbestyrelse neqerooruteqassaaq."

Aammalu:

INUIT ATAQATIGIIT INATSIARTUNI



"§ 45. Kommunalbestyrelsit tapersersuiner mi iliuusissat suut tunniussinanaaneraat imaluunniit tunniutissaneraat pillugit maleruagassanik erseqqinnerusunik Naalakkersuisut aalajangersaassapput, matumani ilanngullugit: 1) inuttut ikiorteqarneq isummersorneqarnerlu, 2) Sungiusarneqarneq, 3) atortorissaarutit ikiuutaasut, 4) ingiaqateqartitsineq, 5) inigisap aaqqissugaanera, 6) qamutit motorillit, 7) ataatsimoortunik anglassinermik aaqqissuussineq, 8) aningaasartuutaanerusut, 9) Suliffissaqartitsinermut, sammisassaqartitsinermut katerisimaaqateqarnissamut neqeroorutit aamma 10) pikkorissarneqarnerit ilinniartinneqarnerillu, matumani qanigisaasunut ilanngullugu."

Uani paaserusunnarami inuk innarluutilik ikiorserneqarnissaminut pisinnaatitaaffeqartoq, taamaattorli Kalaallit Nunatsinni inuit innarluutillit ajoraluartumik sisamat kingorna angerlarsimaannartarput, tapersersortit arlaqartut arfineq pingasuniik sisamat tungaanut sulisarmata. Tamannalu aporfiusarpoq inuiaqatiminnut akuuniarnermikkut. Arlaannik illoqarfimmi/nunaqarfimmi pisoqartillugu angerlarsimaannartariaqartut amerlasarput. Naak inuiaqatigiinnut akoorusukkaluarlutik. Ilaatigut oqartoqarsinnaammat ajoraluartumik immikkoortinneqalertut inuiaqatigiinniik. Taamaammat paaserusunnarpoq ajornannginnerusumik ikorfartorneqarnissaminnik tapersersorneqarnissaminnik Nalunaarummi ersarinnerusumik paasinarnerusumik sulissuteqartoqarnersoq. Inuit innarluuteqartut pisinnaatitaaffeqarmata inuiaqatigiinni akuunissaminnut.